


Re lokišetša letšatši la kgwebo sekolong

Dipotšišo tša pele ga go bala

1. O kwešiša eng ka kgwebo?
2. O nagana gore ke ka lebaka la eng batho ba dira dikgwebo?



Motseng wo mabotse wa gaMolepo go na le sekolo se sekgolo sa tlasana. Sekolo se se thoma ka Mphato wa R go fihla ka Mphato wa 7. Leina la sekolo seo ke Baditi, sona se wela ka tlase ga sedikothuto sa Lebopo. Hlogo ya sekolo, Morena Kadiaka o rata sekolo, barutwana le mošomo wa gagwe kudu. Ge marega a fela, barutwana le barutiši ba thoma go itokišetša letšatši la kgwebo sekolong.



Ka mošupologo wa mathomo wa Mosegamanye, hlogo ya sekolo o boletše le barutwana kua dithapelong.

O boletše le barutwana ka go itokišetša letšatši la kgwebo sekolong sa bona.


O ba boditše gore letšatši la kgwebo sekolong sa bona le

tla ba ka la 12 Phato.

Barutwana ba thaba kudu ka ge ba tseba gore ba tla ipshina.



O nagana gore barutwana ba ba mo kae?



Hlogo ya sekolo o biditye morutiši Ntshwareleng, morutiši wa thutokgwebo gore a tle ka pele. O kgopetšwe go hlalošetša barutwana ka dipeakanyo tša letšatši le legolo.

Barutwana ba thabile kudu ge ba bona morutiši Ntshwareleng a namela sefala. Barutwana ba rata morutiši Ntshwareleng kudu ka ge a na le mafolofolo kudu. Morutiši Ntshwareleng o phela gabotse le barutiši le barutwana ba sekolo ka moka.



Morutiši Ntshwaneleng o hlalošetša barutwana dibeakanyo le ditiragalo tša letšatši la ka webo.

O botša barutwana gore go biditywe boradifilimi, borammino le borametlae go tla go thabiša barutwana.

O re gape ba beakantše gore go be le matangwana a go rutha a barutwana.

O ba tshepiša gore barutwana ba Mphato wa bošupa ba tla be ba rekiša.



Morutiši Ntshwareleng a kgopela barutwana ba Mphato wa R go kgopela batswadi diranta tšeo masomepedi. Barutwana ba a swanetšego go kgopela batswadi tšhelete ke ba Mphato wa 7. Tšhelete yeo ke ya go bogela difilimi, go bina, go theeletša borametlae le go rutha. O re ba kgopele batswadi tšhelete ya go reka dilo tšeo di tla bego di rekišwa. Barutwana ba thabile kudu ebile ga ba sa laolega mo thapelong.



Morutiši Ntshwareleng o leboga hlogo ya sekolo ge a mo file sebaka sa go bolela. O leboga hlogo ya sekolo ge a mo file sebaka sa go bolela le barutwana. Barutwana ba naphathela morutiši Ntshwareleng diatla ge a fetša go bolela a fologa sefala. Hlogo ya sekolo o leboga morutiši Ntshwareleng ka mošomo wo mobotse wo a o dirago. O kgahlegile ge a bona lethabo leo le laetšwago ke barutwana ka letšatši la kgwebo.



Ka phapošing ya Mphato wa 7, morutiši Ntshwareleng o file barutwana tsela yeo ba tlogo go šoma. O ba beakantše ka dihlopha tše lesome tša barutwana ba tshela. O ba file matšatši a mabedi go dira dipeakanyetšo tša kgwebo sehlopha ka sehlopha.

Ge barutwana ba feditše, morutiši Ntshwareleng o tla lebelela dipeakanyetšo tša dikgwebo tša bona. Barutwana ba Mphato wa 7 ba šoma mmogo go dira dipeakanyetšo tša dikgwebo tša bona.



Morutiši o laetša barutwana mohlala wa papatšo ye ba swanetšego go e dira. O re ba swanetše go dira dipapatšo tša dilo tše ba tlogo go di rekiša. O buletša go nyaka dikhatepokisi le dipampiri tša didirišwa tše ba tlogo go di rekiša.

O re ba dire gore dipapatšo tša bona e be diphousetara tše dikgolo tša mebalabala. Di goge mahlo a bareki ka ge di tla kgomaretšwa mabotong a sekolo.



Akanya gore morutiši o botša barutwana eng.



Barutwana ba sekolo sa Baditi ba dirile diphousetara tša bona tšego kgahliša. Barutwana ba Mphato wa 7 ba šomile ka maatla go dira diphousetara tša kgwebo le Ntshwareleng.

Barutwana ba Mphato wa 7 ba ile ba kgomaretša diphousetara mabotong a sekolo. Hlogo ya sekolo, morutiši Ntshwareleng le barutiši ba bangwe ba thušitše barutwana go kgomaretša diphousetara.

Sekolo sa Baditi se kgabile ka mebala ya go fapafapana, ke se sebotse kudu.



Moya ke wo mobjang magareng ga batho ba?



Barutwana ba mephato ye mengwe ba be ba maketše ge ba fihla sekolong. Barutwana ba makaditšwe ke bothakga bjo bo lego sekolong sa bona. Hlogo ya sekolo o botša barutwana gore ba se ke ba kgomarolla diphousetara mabotong. O ba botša gore diphousetara tše ke dipapatšo tša dilo tšeo di tlogo go rekišwa. Lethabo la barutwana ke le legolo, ka moka ba lebelela tšeo ba di ratago.



Diphosetara di be di pharilwe malekere ka mehuta, ditapola tša go gadikwa, nama ya go gadikwa ya kgogo le ya kgomo. Tše dingwe di be di na le disangwetši, lebebetšididi, dienywa, dihotetoko, dikuku, dijusi tša go fapana, dinotšididi le tše dingwe. Di be di tloga di rothiša mare.



Motswadi,

Le kgopelwa go adima bana R100.

Wa lena

Hlogo ya sekolo

Dshifun

Hlogo ya sekolo o ngwaletše batswadi ba barutwana ba Mphahlele wa 7 mangwalo. Barutwana ba fa batswadi mangwalo ao hlogo ya sekolo a ba ngwaletšego.

Mangwalo a kgopela batswadi go adima morutwana yo mongwe le yo mongwe diranta tše lekgolo.

O ngwadile gore tšhelete e tla boa morago ga ge barutwana ba rekišitše direkišwa tša bona.

Hlogo ya sekolo o kgopela gore tšhelete e felele ka Laboraro le le latelago.